

oli_mc – Mir glich

Alle Rechte vorbehalten, Copyright © 2007 oli_mc, www.olimc.ch.vu

Ig füehu mi guet, aber s'chönt no chly besser si
Klar s'git immer no paar Sache, jo die stresse mi
Doch ig ma mi nüm ufregä wägem chlynschte Seich
Über Politiker u Scheisse wo ir Zitig steit
Im Fernseh gsändet, im Internet gschribe wird
Verbländeti finge dr Wäg nüm, verirre sich
S'isch mir glich, nenn' das sarkastisch
Wär isch dr King vo de wärtlose Meinige – fantastisch!
Jo es stimmt, ig ha scho Läserbriefe gschribe
Aus so formuliert wie ig's meine – jedi Zillä!
S'gliche güet für mi Rap, ig rede nid vo Waffe
Vo Bitches u Überfäu, vo Deals wo ig mache
... ig ha ke Bock uf das wo dir Bock heit
Ig dänke das isch OK, bätte nid zu eure Gottheit
Ou nei ig vrschwände ke Ziit
Beände dr Strit wöu dr Wäg isch no wiit

Refrain (2x):

Mir isch's egau ob dir d'unge sit
Ig luege use und d'Sunne schiint
Es isch mir glich ob's es Spiu isch
Jedä Tag geit e Troum in Erfüuig

Ig nimmes easy, ig vrsueche das z'mindesch
Weisch ig cha nüt drfür wenn mir das nid immer glingt
Säubschreflektion isch sehr wichtig wöu's eim witerbringt
Lueg es macht ke Sinn eifach z'warte bis di Ziit verrinnt
Ig bi dinn, vo dusse luegt mi d'Sunne a
Seit 'Guete Tag' und das ig hüt gwunne ha
Ig bi glücklech wöu ig cha Gedanke frei lo kreise
Füehu mi wohu däheime u möchte mängisch gärn vrreise
S'isch eifach, ig lo mi vo Stresser nüm lo stresse
Wo säge ig sig schlechter und si chönte aues besser
Klar dir sit di Krassichte, das steit i aune Fore
Jetzt zrugg i Chindergarte bis euch s'Mami chunt cho hole
Das isch mi Rap, höret uf mit euem Schiisdräck
Dä isch z'wiit wäg, los das isch nur es Feedback
Ou ig nimme Kritik ärnscht – ehrlich
Ohni si wär ig entbehrlich

Refrain (2x)